

EKWATONKONGA: Oto kuthitha mo oshipotha shekwatonkonga?





Oto monika wa piyagana/ngwangwana.
Oshike sha ningwa po?



Shike!
Kulye?
Peni?

Onda kватва onkonga.



Kuume komumwamememati, Simon. Ou
shi omumati ngwiya hi ithanwa "Mr Cool"
kosikola? Osha ningwa owala konima
yowili. Kandi shi kutya nandi ninge ngiini.
Nandi mu lopote kopolisi?



Ke na mpa ta
hupile mwaashika!
Owu na oku mu
lopota! Shoka a
ningi osho eyono.



Onda panda sho nda popya
nangoye. Osha kwathela
shili. Otandi dhiladhila oku
ka mona omuhungimwenyo,
ihe kandi shi kutya openi
tandi mono gumwe. Okupopya
nakuumbe otashi kwatha, oshi
vule okuholeka uupyakadhi.



SHOKA WU NA OKUNINGA UUNA WA KWATWA ONKONGA

Kala wu na uumbangi:


- Ino iyoga.
- Ino zalulula oonguyo dhoje.
- Ino opaleka ehala mpoka ekwatonkonga lya ningilwa.
- Tonyena uumbangi kehe mombapila. Ino wu tula monayilona.

Inda kopolisi nenge kOshikondo shEgameno lyAakiintu nUnona

Owu na okulopota ekwatonkonga kopolisi opo omuntu ngoka e ku kwattonkonga a vule okukwatwa po. Uuyeletele woye otawu kalekwa meholamo. Nompangu otayi kala meholamo.

Inda kondohotola, kokakilinika nenge koshipangelo

Owu na okumona omundohotola nenge omupangi mbala ngaashi tashi vulika. Ndohotola ote ku pe omuti gokukeelala waa kwatwe ko-HIV nokomikithi dhilwe ndhoka hadhi taandele okuza momilalo, nomiti dhoku ku gamena waa ninge epunda okuza mekwatonkonga.




Otatu ka kutha ehokololo lyoye nokukonakona oshipotha. Otashi vulika tu kwate omuntu nguka e ku kwata onkonga. Onda nyanyukwa oshoka ino zalulula iikutu yoye molwashoka otwe yi pumbwa omolwuumbangi. Otatu ku fala wo wu ka mone ndohotola koshipangelo.



Onda tila oku ka gandja ehokololo ihe ondi na oku shi ninga molwashoka shoka a ningila ndje oshili eyono. Ita vulu okupitikwa e ethiwe inaa geelwa nando.





Ekwatonkonga olya lundulula wo onakuyiwa yandje. linima itayi ka kala we ngaashi shito kungame. Ota vulu okukala kuume koye kopothingo, kakele ngame omumwanyokokadhona. Oku shi shi kutya ekwatonkonga eyono. Okwa li e na okudhiladhila tango kombinga yaashoka ta ningi omanga inaa kwata ndje koonkondo.



Kandi shi kutya nandi ninge ngiini.
Simon nomumwamememati otaya
thiminike ndje ndi kuthithe mo
oshipotha shekwatorkonga.

Ito zimina nando wu
shi ninge. Simon okwa
yona eyono enene.
Ompango otayi ti
kutya ekwatorkonga
oli na okugeelwa.

Ashike opu
na oofuto
dhokuya
kompangu.


Kapu na nando
ofuto yasha okuya
kompangu. Oto vulu
wo okupula ompangu
yi ku kwathelle
okufuta olweendo
lwoye opo wu ye
koshipotha.

Ashike
oshike
ngele onda
kanitha
oshipotha?

Owu na natango
ompito yokuhokolola
ehokololo lyoye. Ito
kala wu uvite unene
wa fa oshihakanwa
molwashoka oto
ka popya ombinga
yehokololo lyoye.

Ashike kehe gumwe
otaka tseyakombinga
yompangu, notashi vulika
ye ke ye wo kompangu!

Oshipotha shekwatorkonga
oshomeholamo. Aantu
yomomukunda gwtu itaya vulu
okuya ya tale. Uuna oshipotha
sha tseyithwa moshifokundaneki
nenge moradio, inaya pitikwa
okugandja uuyelele kehe
mboka tawu vulu oku ku
dhimbululitha kutya ongoye lye.





OWU NA ... EPULO? ... EGWEDHELOPO? **KWATATHANA NATSE!**

SMS: 081-6000098
Email: comic@lac.org.na
Fax: 088-613693
Post: P.O. Box 604 Windhoek

Otwa hala okuuva eyamukulo lyoye kombinga yokatuuna ndjika/okahokolothano haka.

Kuuyelele wa gwedhwa po kombinga yOmpango yEgamo no lyEkwatonkonga, ekuthithomo lyoshipotha shekwatonkonga nenge okumona ookopi dhenyanyangidho lyetu, alikana monathana natse koLegal Assistance Centre.



Ekuthithomo lyoshipotha shonkonga otali vulu okweeta oshizemo oshiwinayi kaakiintu oohandimwe, momukunda, osho wo moshigwana. Ngele oto dhiladhila wu kuthithe mo oshipotha shonkonga, alikana dhiladhila nuukeka kombinga yetokolo. Manga inoo ninga etokolo, shi kundathana nomuniilonga gwonkalonawa, omuhungimwenyo nenge omuntu gwontumba ngoka wi inekela. Uuna amuhe mwa mona uuyelele awuhe tawu opalele, oto vulu okuninga etokolo ndyoka lye ku opalela.

OMATOMPELO GANE WAA KUTHITHE MO OSHIPOTHA SHEKWATONKONGA

1. OMUNTU NGOKA E KU KWATA ONKONGA OKU NA OKUGEELWA.

Ekwatonkonga olyo omuyonena omunene li na egeelo enene. Oveta yOkukondjitha Ekwatonkonga otayi ti kutya egeelo lyopevi kekwatonkonga olyo omimvo 5, 10, nenge 15 mondholongo shi ikolelela konkalo yekwatonkonga. Ngele omuntu ngoka e ku kwatonkonga okwe ethiwa, otashi vulika a ka kwate ishewe omuntu gulwe.

2. OMUNTU NGOKA E KU KWATONKONGA OKWA PUMBWA OKULOMBWELWA KUTYA EKWATONKONGA INALI TAAMBIWA KO MONAMIBIA. Okufala oshipotha kompangu, oto tumu etumwalaka kaakwatinkonga nokoshigwana kutya ekwatonkonga inali taambiwa ko. Egeelo olyo wo oshiholelwa kaantu yalwe mboka taya vulu okuninga omuyonena gwa fa nguka.

3. OTO KONDOLOLA ONKALO. Oonakuhupa miipotha yonkonga oyendji ohaya kala yu uvite kutya ekwatonkonga olye ya kutha oonkondo dhawo adhihe. Okufala oshipotha kompangu, oto galula ekondololo lyonkalamwenyo yoye.

4. OTO VULU OKUHOKOLOLA EHOKOLOLO LYOTE. Momapulapulwo, ompangu ohayi pwilikine kiitsa yaashoka sha ningwa po. Oto ka kala wu na ompito wu gandje uumbangi waashoka nakukukwata e ku ningi. Oto ka vula okuulukila omukwatinkonga kutya ngoye ku shi oshihakanwa shomuyonena ihe ngoye omuhupi.

OONGODHI DHOSHIKONDO SHOOMEME NEGAMENO LYUUNONA, 2010

Oshitopolwa	Ondoolopa	Onomola yongodhi
Caprivi	Katima Mulilo	066-251215
Erongo	Walvis Bay	064-219068
Hardap	Mariental	063-345000
Hardap	Rehoboth	062-523223 (NamPol)
Karas	Keetmanshoop	063-221826
Karas	Lüderitz	063-203668
Kavango	Rundu	066-266300 (NamPol)
Khomas	Windhoek	061-20952375 / 2095374
Kunene	Opwu	065-273148 ext. 138
Ohangwena	Eenhana	065-264204
Omaheke	Gobabis	062-566144
Omusati	Outapi	065-251863
Oshana	Oshakati	065-2236056 / 2230657
Oshikoto	Tsumeb	067 2235053
Otjozondjupa	Otjiwarongo	067-300625

Ehokololo:
ANNE JOYCE

Omafano, omutholomo netulomelandulathano:
DUDLEY VIALL & PERRI CAPLAN

Omuwiliki gwoproyeka:
RACHEL COOMER & DIANNE HUBBARD

Omukwatheli:
DUTCH MINISTRY OF FOREIGN AFFAIRS,
MDG3 FUND

Omunyanyangidhi:
JOHN MEINERT PRINTING (PTY) LTD

Omuholokithimbo:
GENDER RESEARCH & ADVOCACY PROJECT,
LEGAL ASSISTANCE CENTRE,
2010

Okafo haka otaka vulu okuningwa ookopi omolwomalalakano ge na sha nelongo, shampa ashike onzo ya tseyithilwa.

Ontopolwa yokanyolwa haka yopalusheno/electronic otayi adhika ko website yo LAC: www.lac.org.na

